

# SETAHUN MENENTANG COVID-19

Hampir setahun telah berlalu sejak Singapura mengenal pasti kes Covid-19 pertama. Berikut adalah urutan kejadian penting semasa pandemik ini.

## PANDEMIK BERMULA

**22 Jan**

Pasukan bertindak berbilang kementerian dibentuk untuk menangani koronavirus.



**23 Jan**

Kes pertama di Singapura dikenal pasti, melibatkan seorang lelaki berusia 66 tahun dari Wuhan.

**12 Mac**

Jawatankuasa Fatwa mengeluarkan fatwa berkenaan penutupan masjid dan penggantungan solat Jumaat bagi melindungi kesihatan dan keselamatan awam.



**13 Mac**

Semua 70 masjid setempat ditutup bagi tempoh sekurang-kurangnya lima hari untuk dibersihkan.

**15 Mac**

Lima warga Singapura yang menghadiri perhimpunan agama di Kuala Lumpur dan dijangkiti Covid-19 telah pergi ke 10 masjid di Singapura dalam tempoh mereka boleh menjangkiti orang lain.

**23 Mac**

Bilangan kes diimport melonjak. Semua pelawat jangka pendek tidak lagi dibenarkan memasuki Singapura atau transit di sini bermula 11.59 malam.

**24 Mac**

Muis umum lanjutan penutupan semua masjid di Singapura – yang ditutup sejak 16 Mac – sehingga notis lanjut.

**JANUARI**

**FEBRUARI**

**MAC**

**APRIL**



**4 Feb**

Kes jangkitan pertama dalam masyarakat dikenal pasti, seorang warga Singapura berusia 28 tahun yang bekerja di Yong Thai Hang, kedai menjual produk kesihatan Cina.

**7 Feb**

Kementerian Kesihatan (MOH) menaikkan isyarat amaran Dorscon daripada kuning kepada jingga, mencetus sebahagian penduduk menjadi cemas dan memborong barang runcit di pasar raya.

**12 Feb**

MOH menggunakan nama 'Covid-19' buat kali pertama apabila merujuk kepada koronavirus.

**13 Feb**

Gereja Grace Assembly of God menjadi pertubuhan agama pertama untuk menggantung kegiatannya.

**MENEGKANG PENULARAN**

**7 April**

Perdana Menteri Encik Lee Hsien Loong umum tempoh pemutus litar, sehingga 4 Mei



**13 April**

Bilangan kes dalam masyarakat melonjak ke paras tertinggi.

**14 April**

Memakai pelitup di luar rumah menjadi mandatori.

**20 April**

Bilangan kes dari dormitori pekerja asing melonjak ke paras tertinggi.

**21 April**

PM Lee umum langkah pemutus litar akan dilanjutkan sehingga 1 Jun, dengan sekat diperketat.

**22 April**

Pelanggan di empat pasar popular, termasuk pasar Geylang Serai hanya dibenarkan memasuki pasar pada hari-hari tertentu.